

TEZAUUR LITURGIC
1 IUNIE

ACATISTUL
SF. CUVIOS
AGAPIT
DE LA
PECERSKA



MOSCOVA, 2000



Акафист

святому преподобному Агапиту Печерскому, врачу безмездному

Кондак 1

Избранный учениче великаго учителя, преподобнаго и богоноснаго отца нашего Антония, и дивный подражателю жития его святаго, святе отче Агапите, песнию восхвалим тя с любовью, заступника нашего; ты же, яко имеяй дерзновение ко Господу, молися выну о спасении нас, грешных, от всяких бед избавляя зовущих ти:

Радуйся, Агапите, душевных и телесных недугов скорый целителю.

Икос 1

Ангелов любезную чистоту от юности твоя возлюбив, блаженне Агапите, к добродетелей подвижнику, преподобному Антонию притекл еси и, от него во иночество облеченный, подражатель ревностный подвигов его был еси; темже славим тя в воззвании сими:

Ра́дуйся, богоно́снаго Анто́ния добродéтелей и даро́в наслéдниче; ра́дуйся, на вы́соту́ соверше́нства духо́внаго возше́дый.

Ра́дуйся, моли́твами усéрдными да́р врачевáния и чудотворéния от Го́спода получи́вый; ра́дуйся, из глубины́ души́ воздыхáньми чистоту́ душе́вную стяжа́вый.

Ра́дуйся, Ага́пите, душе́вных и телéсных неду́гов ско́рый целите́лю.

Конда́к 2

Ви́дев Всеви́дец Госпо́дь благо́е души́ твоея́ изволе́ние, блаже́нне Ага́пите, е́же порабо́тати Ему́ безле́ностно, внуши́ преподо́бному Анто́нию благослови́ти тя́ на жесто́кое в пеще́рном затво́ре жити́е. Ты́ же, благослове́ние свято́е с ве́рою прие́м, в пеще́ре поко́й вéчный обрeл еси́, Еди́ному Бо́гу рабо́тая в пéниих, бде́ниих и поще́ниих, немóлчно воспева́я Ему́: Аллилу́иа.

И́кос 2

Разуме́в преподо́бный Анто́ний произволе́ние Бо́жие возсия́ти в се́м ино́це вельми́ благоуго́дным начинáнием и душеспаси́тельным намере́нием, избы́льно насы́тил духо́вною сла́достью и в добродéтелях укрепил еси́, сего́ ра́ди вопие́м ему́ тако́вая:

Ра́дуйся, преподо́бнаго Анто́ния нра́вы себе́ усво́ивый; ра́дуйся, того́ жити́ю усер́дно поревно́ваый.

Ра́дуйся, сыно́вню любóвь к нему́ стяжа́вый; ра́дуйся, и от него́ зело́ возлю́бленный.

Ра́дуйся, самови́дче его́ по́двигов; ра́дуйся, во врачевáнии неду́гов ему́ споспешеству́ющий.

Ра́дуйся, Ага́пите, душе́вных и телесных неду́гов ско́рый целите́лю.

Конда́к 3

Си́лою Бо́жиею укрепля́емый, свя́те Ага́пите, вели́кия ино́ческия труды́ подъя́л еси́; сего́ ра́ди благослови́ся де́ло руку́ тво́ею во сла́ву и́мени Госпо́дня на спасе́ние и врачевáние все́х, с ве́рою и наде́ждою к тебе́ притека́ющих и неленóстно вознося́щих пе́снь Пресвяте́й Трои́це: Аллилу́иа.

И́кос 3

Име́я по́мысл чи́ст и непоро́чну со́весть и па́мятуя Ре́кшаго: «Бо́лен бех, и посети́те Мене́... поне́же сотвори́те еди́ному си́х бра́тий Моих ме́нших, Мне́ сотвори́те», неду́гующих ино́ков под сво́й покрóв оте́чески прие́мля, я́коже родите́ли ча́да своя́, утешáл еси́, отра́ду

своим попечением подающе и отеческою ласкою
тяжесть болезни облегчающе, молитвою с одра
болезни воздвизал еси. Сего ради прими от нас
благодарения таковая:

Радуйся, в добродетелех благоискусный
подвижник; радуйся, во Христе всю братию
монашескую возлюбивый.

Радуйся, недужных иноков смиренный и
неусыпный служителю; радуйся, за подвиги
временного жития покой вечный обретший.

Радуйся, Агапите, душевных и телесных
недугов скорый целителю.

Кондак 4

Бурю многомятежного житейского моря
безбедно прошел еси, блаженне, и в пристань
безстрастия достиг еси, окормляемь заповедьми
Христа Бога, яже быша светильник ногам
твоим и свет стезям твоим. Темже ныне в
горних обителях водворяеши, сладце поя
Триединому Богу: Аллилуиа.

Икос 4

Слышавше мнози о благоутробном житии твоём,
блаженне Агапите, прихожду к тебе: ови
послушати поучений твоих, ови исцелений от

различных недугов прияти; ихже ты, с отеческою любовью приёма, руководствовал еси ко спасению, отгоняя всяк недуг и всяку немощь. Сего ради и мы прибегаем к тебе, великому помощнику и целителю, славяще тя сице:

Радуйся, безмолвия любителю, обитель Печёрскую подвиги своими украсивый; радуйся, спасения многих душ человеческих виновниче.

Радуйся, болезнующих грехми врачу благоискусный; радуйся, воине Христов, полки невидимых врагов победивый.

Радуйся, ближняя твоя искренне возлюбивый; радуйся, спасению их душевному и исцелению телесному усердно послуживый.

Радуйся, Агапите, душевных и телесных недугов скорый целителю.

Кондак 5

Боготечное светило быв, угодниче Божий, всех к Солнцу Правды – Христу путоводил еси примером жития твоего святого, иже все бысть посвящено на служение Богу и ближним твоим. Нищия и убогия милостивно питал еси, темже блаженство милостивых унаследовал еси и со

святѣи́ми поѣши вѣчно хвалѣбную пѣснь:
Аллилу́иа.

И́кос 5

Ви́дим тя, блаже́нне о́тче Ага́пите, дости́гшаго в ме́ру му́жа соверше́нна о Христе́ и преиспо́лненна дарова́ний Божѣственных, в Ева́нгелии Христо́ве обетова́нных ве́рным послѣдователем Бо́га Сло́ва. Те́мже, чудя́щися твои́м подвиго́м, поѣм ти́ хвалѣбно:

Ра́дуйся, в глубине́ се́рдца бисер драгий – Го́спода Иису́са Христа́ – обретьи́; ра́дуйся, и́мя Его́ Божѣственное во усте́х и в се́рдце своѣм вы́ну имевый.

Ра́дуйся, на землѣ алка́вый и жа́ждавый, ны́не же нетле́нныя пи́щи на небеси́ насыща́йся; ра́дуйся, нищету́ храни́вый, нищих от гла́да избавля́й.

Ра́дуйся, и́го Христо́во благо́е и ле́гкое и́скренне возлюбивый.

Ра́дуйся, Ага́пите, душе́вных и телѣсных неду́гов ско́рый целите́лю.

Конда́к 6

Пропове́дник бы́в жити́ем твои́м Ева́нгельских добродѣтелей, о́тче блаже́нне, плоть твою́ постом

и моли́твою порабо́тил еси́ и во сла́ву Бо́жию
пожи́л еси́; луча́ми свои́х по́двигов всезло́бнаго
врага́, армянина́ нечестиваго, за́вистию и
гне́вом пали́маго и свои́ми зло́стными
ухищре́ньми веселя́щаяся, не то́кмо посрами́л еси́,
но и к све́ту Христо́вой и́стины привёл еси́,
поуча́я за всё благодарити и славосло́вити
Го́спода, поя́ Ему́: Аллилу́иа.

И́кос 6

Воссия́в в пеще́ре святы́я оби́тели сия́, я́ко
богоно́сное свети́ло, блаже́нне Ага́пите, све́том
до́брых де́л и врачева́ний умили́л еси́ ду́ши и
сердца́ челове́ков, а нечестиваго врача́ и
зави́стника и его́ безсту́дное безу́мие посрами́л
еси́. Те́м убо тебе́, свято́му и блаже́нному
уго́днику, умильно зове́м:

Ра́дуйся, врачевание́ нечестиваго армянина́
посрами́вый; ра́дуйся, обрече́ннаго на сме́рть
те́м же армянином недугую́щаго со одра́ болéзни
воздвигну́вый.

Ра́дуйся, осужде́ннаго на сме́рть и
напоё́ннаго сме́ртным я́дом чуде́сно исцели́вый
и от сме́рти изба́вивый; ра́дуйся, испи́вый
сме́ртный я́д от врага́ и, по сло́ву Госпо́дню:

«Аще что и смертно испиют, не вредит их», — живот невредимый сохранивый.

Радуйся, злобу и коварство врагов своих посрамивый.

Радуйся, Агапите, душевных и телесных недугов скорый целителю.

Кондак 7

Хотение единое имел еси, блаженне отче, еже Богу угождати и спасению душевному и здравью телесному ближних твоих благочестно служити. Темже келлиа твоя пещерная бысть врачбница благоотпущная всякому человеку — нищему и богатому, князю и убогому. Ты же, единое в сердце имея: «Всем бых вся», врачевал еси, не взирая на лица, призывая всех вкупе сердцем и усты немолчно возглашати Богу: Аллилуиа.

Икос 7

Новаго тя чудотворца великаго позна славный князь Владимир Мономах, на одре болезни возлежа, пребывая при кончине своей, слезно молил еси тя притещи и исцелити его. Но ты, монашеский обет соблюдая — николиже стэн обители оставляти, послал еси зелие от трапезы своея, и князь, вкусив его, здрав восташа.

Таково́й си́ле твоего́ чудотворе́ния и
нелицепри́ятя дивя́щеся, вопи́ем ти́ хвале́бно:

Ра́дуйся, крине́ пеще́рнаго прозябе́ния;
ра́дуйся, ми́ра Христо́ва благоуха́ние.

Ра́дуйся, не скривы́й тала́нт врачева́ния, тебе́
Домовлады́кою вруче́нный; ра́дуйся, ра́ди
си́льных ми́ра сего́ обе́та ино́ческаго не
нару́шивый.

Ра́дуйся, сла́вы ра́ди вы́шняго зва́ния сла́ву
челове́ческую ни во что́же вмени́вый; ра́дуйся,
Вели́каго кня́зя Влади́мира Монома́ха с одра́
сме́ртнаго недуга́ бы́лием, тобо́ю
благослове́нным, и моли́твою подъя́л еси́.

Ра́дуйся, Ага́пите, душе́вных и теле́сных
недуго́в ско́рый целите́лю.

Конда́к 8

Стра́нника и пришельца́ в ми́ре се́м помышля́л
еси́ себе́ бы́ти, Ага́пите блаже́нне, те́мже о
бога́тстве земне́м вся́кое попече́ние отложи́л еси́.
Вся́кое стяжа́ние су́етное возбра́няя,
приходя́щих к тебе́ разделя́ти досто́яние свое́ с
ни́щею бра́тиею и в ея́ лице́ Самому́ Христу́
служи́ти поуча́л еси́, немол́чно воспева́я
хвале́бную пе́снь: Аллилу́иа.

И́кос 8

Весь в Бóзе бы́в, о́тче блаже́нне, о Бóзе и угожде́нии Ему́ прісно поуча́л еси́, умоля́я ничто́же предпочита́ти па́че любве́ Христо́вы и, па́мятуя рече́нное Христо́м: «Не собира́йте себе́ сокрови́ща на на земли́, иде́же моль и ржа́ истребля́ют, но собира́йте себе́ сокрови́ща на небеси́»,— не пожела́л ра́ди бла́г вре́менных лиші́тися бла́г ве́чных, отверга́л еси́ вся́ да́ры, тебе́ князем приносі́мья, поуча́я раздава́ти их ни́щей бра́тии и убо́гим. Те́мже и мы́, таково́е твоё нищелю́бие восхваля́я, зове́м ти́ си́це:

Ра́дуйся, блаже́нство ни́щих ду́хом унасле́довавый; ра́дуйся, нищету́ па́че бога́тства возлюбі́вый.

Ра́дуйся, мзду́ за своё врачева́ние отвергий и разда́ти ю́ ни́щим и убо́гим повеле́вый; ра́дуйся, послéдняя укрупі́ хлеба́ своего́ с неиму́щими разделя́ти поуча́вый.

Ра́дуйся, любóвь к Бо́гу любóвию к бли́жним своим сви́детельствоваый; ра́дуйся, похва́лами моли́твенными до дне́сь в обители́ Пече́рской zeló почита́емый.

Ра́дуйся, Ага́пите, душе́вных и телесных неду́гов ско́рый целі́телю.

Кондак 9

Всѣм приходившим в обитель молитв и врачевания ради, блаженне отче, дивно бысть видети тебе, нищетно в келлии твоей пребывающаго, обаче ты, всех равною любовью приемля, коемуждо слово утешения или исцеление подавал еси, научая пети виновнику всех благ Богу: Аллилуиа.

Икос 9

Вития многовещанныя не возмогут достойно воспети подвиги и чудотворения твоя, блаженне Агапите, мы же, таковому житию твоему дивящися, дерзаем венчати тебе, аще и недостойнии, похвалами таковыми:

Радуйся, на скрижалях сердца твоего Закон Христов написавый; радуйся, от глубины сердечныя добрая и душеспасительная наставления человеком износивый.

Радуйся, пещерный гражданин, грады и веси наполненный славою твоих чудотворений; радуйся, Богом возлюбленный и ближними твоими благословляемый.

Радуйся, образ совершенства о Христе в себе явивый; радуйся, иго Христова, благое и легкое, искренне возлюбивый.

Ра́дуйся, Агапите, душе́вных и теле́сных
неду́гов ско́рый целите́лю.

Конда́к 10

Спасе́ния наде́жду стяжа́л еси́ при исхо́де твоём,
блаже́нне о́тче Ага́пите, и я́ко пше́ница зре́лая,
во вре́мя пожа́тия, кончи́ною благо́ю пресели́лся
еси́ в де́нь, тебе́ пре́жде ука́занный Го́сподом, во
оби́тели го́рния, прия́ти мзду́ от руки́ пра́веднаго
Мздовозда́теля Христа́, И́же вчини́ ду́шу твою́
со ду́хи свята́х, немол́чно возглаша́ющих пред
Престо́лом сла́вы Его́ победную́ пе́снь: Аллилу́иа.

И́кос 10

Царя́ Небе́снаго Христа́ ве́рный ра́б и
последова́тель бы́л еси́, о́тче Ага́пите, те́мже по
неложному́ Его́ глаго́лу: «Иде́же е́смь А́з, ту́ и
слуга́ Мой бу́дет», мы́, чту́ще тя, ве́руем
несумне́нно, я́ко ты́ со Хри́стом во оби́телех
блаже́нства ве́чнаго водворя́ешься и ра́дости
нетле́нныя наслажда́ешься, я́ко и́стинный Того́
уго́дник; от нас же слы́шиши благохвале́ния сия́:

Ра́дуйся, предска́зания нечестиваго
армя́нина о твоёй сме́рти посрами́вый; ра́дуйся,
о дне́ твоея́ блаже́нныя кончи́ны от Го́спода
извеще́нный.

Ра́дуйся, ду́шу твою́ в ру́це Го́спода ра́достно преда́вый; ра́дуйся, откровённ^{ым} лице́м сла́ву Трисия́ннаго Божества́ созерца́яй.

Ра́дуйся, те́лом сме́ртным в пеще́ре погребённ^{ый}; ра́дуйся, душе́ю безсме́ртною к Сио́ну го́рнему воспари́вый.

Ра́дуйся, Ага́пите, душе́вных и телесных неду́гов ско́рый целите́лю.

Конда́к 11

Пе́ние Пресвяте́й Богоро́дице прино́сиши, блаже́нне о́тче наш Ага́пите, о оби́тели твоёй святе́й и подвиза́ющихся в не́й, и о все́х с любóвию к тебе́ притека́ющих при́сно ходата́йствуеши, прося́ ми́ра свы́ше и благопоспешéния все́м, вознося́щим достодо́лжная похвалы́ Т^{ри}еди́ному Бо́гу, воспева́я Ему́: Аллилу́иа.

И́кос 11

Свети́льника тя́ до́брых де́л, блаже́нне о́тче, испове́дуем бы́ти и прославля́ем просла́вльшаго тя́ Го́спода, И́же чудесы́ мно́гими мо́щи твоя́ озна́менова: струи́ бо исцелéний благода́тных источа́еши от ни́х недужным и подвиза́еши ве́рныя вопи́ти тебе́:

Ра́дуйся, земный́ анге́ле и небе́сный челове́че;
ра́дуйся, безме́днаго врачевáния исто́чнице.

Ра́дуйся, ми́ра многоце́лебнаго
преиспо́лненный фиáло; ра́дуйся, от ра́ки твоея́
святы́я исцелéния обильно́ подавая́й.

Ра́дуйся, скорбя́щих утешителю́; ра́дуйся,
уныва́ющих ободрителю́.

Ра́дуйся, Ага́пите, душе́вных и телесных
неду́гов ско́рый целителю́.

Конда́к 12

Благода́ть Госпо́дню испроси́ нам, о́тче Ага́пите,
почита́ющим с любóвию святу́ю па́мять твою́ и
усер́дно притека́ющим к честне́й ра́це моще́й
твои́х, от нея́же чуде́сныя исцелéния подае́ши
неду́жным. Те́мже тебе́, чудотворéния да́ром от
Бо́га просла́вленному, приле́жно мо́лимся:
исцели́ наша́ недуги́ душе́вныя и телесныя́ и
помози́ нам предста́тельством твои́м спасéние
вечное́ получи́ти, да вку́пе с тобо́ю воспоём
дивно́му во святы́х Свои́х Бо́гу: Аллилу́иа.

И́кос 12

Пою́ще по́двиги твоя́, блаже́нне о́тче, ублажа́ем
равноа́нгельское́ жити́е твое́, диви́мся
чудотворéнием твои́м, моли́твенно́ почита́ем

святую память твою и, припадающе к раце
мощей твоих, умильно взываем:

Радуйся, Пресвятая Богородицы достойный
молитвенниче; радуйся, пещерожителей славо и
похвало.

Радуйся, святые обители Печёрския, вкупе с
Антонием и Феодосием, присное охранение;
радуйся, подвизающихся в ней благонадёжное
заступление.

Радуйся, приходящих в ню на поклонение
благий предстателю; радуйся, почитающих
память твою небесный покровителю.

Радуйся, Агапите, душевных и телесных
недугов скорый целителю.

Кондак 13

О, преблаженне отче Агапите! Ты – горе на
небеси, мы же – долу на земли, удаленныя от
тебе не только местом, колико греховною
нечистотою нашею, обаче дерзаем приносити
тебе сие малое похвальное пение, егже
милостивно прием, моли Господа и Владыку
нашего избавити нас погибели вечныя и
сподобити блаженства святых, вопиющих Ему
выну хвалёбную песнь: Аллилуиа.

Этот конда́к читается трижды, затем 1-й и́кос и 1-й конда́к.

Моли́тва пе́рвая

О, всеблаже́нне Ага́пите, земный а́нгеле и небесный челове́че! Припадаем к тебе́ с ве́рою и любви́ю и мо́лим ти́ ся́ приле́жно: яви́ нам, смире́нным и греше́нным, свято́е свое́ заступле́ние; се́ бо грех ра́ди наших не има́мы свобо́ды ча́д Бо́жиих проси́ти о потре́бах наших Го́спода и Влады́ку нашего́, но тебе́, моли́твенника́ благоприя́тна, к Нему́ предлага́ем и про́сим тя́ со усерди́ем мно́гим: испроси́ нам от бла́гости Его́ благопотре́бныя да́ры душа́м и телесе́м нашим: ве́ру пра́ву, любви́ю ко все́м нелицеме́рну, в злострада́ниях – терпе́ние, тяжкими́ боле́знями одержи́мым — от неду́гов исцеле́ние, под бре́менем скорбе́й и напа́стей неудобно́симых па́дающим и жити́я своего́ отча́явшимся тво́ими моли́твами получи́ти ско́рое облегче́ние и избавле́ние. Не забу́ди, блаже́нне о́тче, и оби́тель твою́ святу́ю, при́сно тя́ чту́щую, и соблюди́ ю́ и все́х, живу́щих и подви́зающихся в не́й и на поклоне́ние в ню́ приходя́щих, невреди́мыми от искуше́ний диа́вольских и всяка́го зла́. Егда́ же приспе́ет наше́ от вре́меннаго сего́ жити́я отше́ствие и к

вѣчности преселѣние, не лишѣ нас по́мощи твоея небѣсныя, но моли́твами твоими́ всѣх нас приведи́ в пристанище спасѣния и наследники яви́ нас бы́ти всесвѣтлаго Царства Христо́ва, да поѣм и сла́вим неизречѣнныя щедроты́ Человеколю́бца Бо́га, Отца́ и Сы́на и Свята́го Ду́ха, и твоѣ вкѹпе с преподо́бными Анто́нием и Феодо́сием оте́ческое заступле́ние во ве́ки веко́в. Ами́нь.

Моли́тва втора́я

Преподо́бне о́тче Ага́пите! Возри́ на нас ми́лостивно и к земли́ привѣрженных возведи́ к высотѣ́ небѣсней. Ты́ – горе́ на небеси́, мы́ – на земли́ низу́, удалены́ от тебе́ не толи́ко ме́стом, ели́ко грѣха́ми свои́ми и беззакони́и, но к тебе́ прибега́ем и взыва́ем: наста́ви нас ходи́ти путе́м твои́м, вразуми́ и руководи́вай нас. Вся́ твоя́ свята́я жи́знь бы́сть зерка́лом вся́кия добродѣтели. Не преста́ни, уго́днице Бо́жий, о нас вопи́ти ко Го́споду. Испроси́ предста́тельством свои́м у Всеми́лостиваго Бо́га на́шего мир Цѣркви Его́, под зна́мением креста́ вои́нствующей, согла́сие в ве́ре и единому́дрие, суему́дрия же и раско́лов истребле́ние, утвержде́ние во бла́гих дѣлах, больны́м исцеле́ние, печа́льным утеше́ние, оби́женным

заступлѣние, бѣдствуящѣм по́мощь. Не посрами́ нас, к тебѣ́ с вѣрою притека́ющих. Всѣ́ правосла́внии христі́ане, твои́ми чудесы́ исполненни́и и ми́лостыи облагодѣ́тельствованни́и, исповѣ́дают тя́ бы́ти своего́ покрови́теля и заступни́ка. Яви́ дрѣвни́я ми́лости твоя́, ихже́ отце́м вспомо́ществова́л еси́, не отри́ни и нас, ча́д их, стопа́ми их к тебѣ́ шѣ́ствующи́х. Предсто́яще́ всечестне́й ико́не твое́й, я́ко тебѣ́ живу́ су́щу, припада́ем и мо́лимся: приими́ моле́ния на́ша и вознеси́ их на же́ртвенник благоутро́бия Бо́жия, да при́имем тобо́ю благода́ть и благовре́менную в ну́ждах на́ших по́мощь. Укрепи́ нас, малоду́шных, и утверди́ в вѣре, да несомне́нно упова́ем получи́ти вся́ благо́я от благосе́рдия Влады́ки моли́твами твои́ми. О, превели́кий уго́дник Бо́жий! Все́м нам, с вѣрою притека́ющим к тебѣ́, помози́ предста́тельством твои́м ко Го́споду и все́х нас упра́ви в ми́ре и пока́янии сконча́ти живо́т на́ш и преселі́тися со упова́нием в блаже́нныя не́дра Авра́мова, иде́же ты́ ра́достно ны́не почива́еши, прославля́я со все́ми святы́ми Бо́га, в Тро́ице сла́вимаго, Отца́ и Сы́на и Свята́го Ду́ха, ны́не и прі́сно и во ве́ки веко́в. Ами́нь.